

Avogados/tipoloxía	Módulo
-Recursos de casación e amparo.	
Recurso de casación.	346,08 €
Recurso de casación cando non se formaliza e hai só anuncio.	48,53 €
Recurso de amparo.	346,08 €
-Actuacións extraprocesuais.	
Transaccións extraxudiciais.	(*) 75 %
Informe motivado da insostibilidade da pretensión.	75,66 €
Desistencia previa ao proceso por pasividade da persoa axuizable, estudo e preparación do asunto, previa á presentación da demanda.	(*) 30 %
-Normas xerais.	
Sometemento.	(*) 30 %
Execución da sentenza posterior ós dous anos de recaída a resolución xudicial, agás na xurisdición civil.	(*) 30 %

(*) Sobre o módulo aplicable ao procedemento.

Procuradores/tipoloxía	Módulo
-Xurisdición penal.	
Procedemento ante o xulgado de instrución en sumarios ou causas perante o Tribunal do Xurado.	36,47 €
Intervención ante o xulgado de instrución en procedementos abreviados de especial complexidade (actuacións de máis de 1.000 folios).	25,38 €
Intervención ante o xulgado de instrución en procedementos abreviados.	13,85 €
Intervención ante o xulgado de instrución en xuízos rápidos	25,38 €
Xuízo oral ante a audiencia provincial.	20,84 €
Xuízo oral ante o xulgado do penal.	20,76 €
Xuízo de faltas (*).	27,69 €
Recurso de apelación.	31,16 €
Procedemento ante o xulgado de vixilancia penitenciaria (*).	23,07 €
-Xurisdición civil.	
Procedemento ordinario.	43,84 €
Xuízo verbal e procesos especiais.	34,60 €
Proceso matrimonial contencioso (completo).	51,91 €
Proceso matrimonial de mutuo acordo.	36,47 €
Medidas provisionais previas.	13,85 €
Modificación de medidas definitivas.	48,45 €
Recurso de apelación.	31,16 €
-Xurisdición contencioso-administrativa.	
Recurso contencioso-administrativo (*).	34,60 €
Recurso de apelación(*).	31,16 €
-Xurisdición social.	
Proceso laboral(*).	36,47 €
Recurso de suplicación (*).	31,16 €
-Xurisdición militar.	
Proceso íntegro.	34,60 €
-Recursos de casación e amparo.	
Recurso de casación ante o Tribunal Superior de Xustiza de Galicia.	34,60 €

(*) Cando a intervención do procurador sexa requirida expresamente pola autoridade xudicial de conformidade co artigo 6.3 da Lei 1/1996, de asistencia xurídica gratuíta.

Correccións de erros.- Resolución do 7 de maio de 2008, da Dirección Xeral de Xustiza, pola que se regulan as substitucións entre funcionarios ao servizo da Administración de xustiza en Galicia.

Advertidos erros na resolución do 7 de maio de 2008 desta dirección xeral (DOG nº 93, xoves 15 de maio de 2008), pola que se regulaban as substitucións entre funcionarios ao servizo da Administración de xustiza en Galicia, e segundo o establecido no artigo 105 da Lei 4/1999, de modificación da Lei 30/1992, do 26 de novembro, de réxime xurídico das

administracións públicas e do procedemento administrativo común, procede facer as oportunas rectificacións:

Páxina 8.724:

ANEXO I. Aviso de desocupación de posto.

Onde di: «Resolución do 16 de abril de 2008», debe dicir: «Resolución do 7 de maio de 2008».

ANEXO II. Solicitud de substitución.

Onde di: «Resolución do 16 de abril de 2008», debe dicir: «Resolución do 7 de maio de 2008».

ANEXO III. Oficio remisorio solicitudes substitución.

Onde di: «Resolución do 16 de abril de 2008», debe dicir: «Resolución do 7 de maio de 2008».

Páxina 8.725:

ANEXO IV, no recadro de lexilación aplicable:

Onde di: «Resolución do 16 de abril de 2008», debe dicir: «Resolución do 7 de maio de 2008».

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

Resolución do 20 de maio de 2008 pola que se aproba a convocatoria de lectorados de lingua, literatura e cultura galegas en universidades de España e do estranxeiro.

A Xunta de Galicia, a través do artigo 7, alínea e) do Decreto 44/2006, do 2 de marzo (DOG número 53, do 16 de marzo), de estrutura orgánica dos órganos superiores dependentes da Presidencia da Xunta de Galicia, atribúelle á Secretaría Xeral de Política Lingüística, como órgano superior da Administración autonómica en materia de promoción e ensino da lingua galega, a tarefa e a competencia de apoiar e coordinar o coñecemento e o uso do galego fóra do territorio lingüístico galego.

Neste sentido, e a través de convenios de colaboración subscritos con universidades de fóra de Galicia interesadas en incluír nos seus plans de estudo o ensino da lingua, a literatura e a cultura galegas, créanse os centros de estudos galegos como órganos de referencia nestas universidades, a través dos que se canalizan as actividades promotoras da nosa lingua, non só neste ámbito académico senón tamén na súa área de influencia.

A maioría destes centros refórzanse coa presenza dun lector ou lectora que, como complemento á súa actividade formativa, se responsabiliza da docencia, da investigación e da promoción da lingua, a literatura e a cultura galegas. Os importes das súas bolsas establécense expresamente nos ditos convenios de

colaboración, imputándose o gasto ás aplicacións orzamentarias 04.60.151A.781.2, cando o aboamento da bolsa recaía sobre universidades públicas españolas, 04.60.151A.770.0, cando o aboamento recaía sobre universidades privadas españolas, 04.60.151A.790.0, cando o aboamento o deban facer universidades estranxeiras e 04.60.151A.480.2, cando a bolsa sexa aboada directamente pola Secretaría Xeral de Política Lingüística.

En consecuencia, segundo o establecido na disposición adicional, alínea c) do Decreto 44/2006, do 2 de marzo, e de acordo coa Comisión de Seguimento e Impulso do Plan xeral de normalización da lingua galega, creada polo Decreto 58/2006, do 30 de marzo; procede realizar a convocatoria de lectorados de lingua, literatura e cultura galegas que se relacionan máis abaixo, en réxime de concorrencia competitiva e con sometemento aos principios constitucionais de igualdade, mérito e capacidade. Por iso,

DISPOÑO:

Artigo 1º.-*Obxecto.*

Convocar, en réxime de concorrencia competitiva, bolsas de lectorados de lingua, literatura e cultura galegas nas seguintes universidades:

Universidade	Localidade	País
Complutense de Madrid	Madrid	España
Barcelona	Barcelona	
Granada	Granada	
Deusto	Bilbao	
Murcia	Murcia	
Heidelberg	Heidelberg	Alemaña
Algarve	Faro	Portugal
Minho	Braga	
Padua	Padua	Italia
Roma	Roma	

Artigo 2º.-*Requisitos.*

1. Poderán participar nesta convocatoria as persoas que cumpran os seguintes requisitos:

-Estar en posesión da nacionalidade española ou de calquera dos países membros da Unión Europea.

-Non padecer enfermidade ou limitacións físicas ou psíquicas que sexan incompatibles co desenvolvemento das actividades obxecto desta axuda económica.

-Titulación académica:

* Os licenciados en filoloxía galega; en filoloxía hispánica (subsección de galego-portugués) ou en filoloxía románica -sempre que a primeira ou segunda lingua románica elixida fose o galego- poderán solicitar calquera dos lectorados ofertados.

* Os licenciados en tradución e interpretación unicamente poderán solicitar as bolsas para os lectorados localizados en Alemaña e Italia; sempre que acrediten 27 créditos de galego e 21 créditos de inglés ou, no canto deste, 21 créditos na lingua oficial do país no que se localice o lectorado solicitado.

2. Quedan excluídas aquelas persoas que, reunindo estes requisitos, estean a exercer ou exercen como leitoras de lingua, literatura e cultura galegas

e que obtiveron a súa bolsa en convocatorias públicas anteriores.

Artigo 3º.-*Duración.*

1. As persoas seleccionadas serán nomeadas para unha primeira estadía que abranguerá o curso académico 2008/2009. Este período inicial poderase ir renovando sucesivamente por cursos académicos, ata completar unha estadía máxima total de tres cursos, sempre que esta circunstancia non contraveña a normativa propia da universidade de destino. Para o cómputo do período máximo de permanencia como lector/a non se terán en conta os nomeamentos provisionais derivados de substitucións.

2. A Secretaría Xeral de Política Lingüística renovará a bolsa do/a lector/a se o informe que cada responsable dos centros de estudos galegos lle debe remitir, cun mes de antelación ao remate da bolsa, recolle unha evolución positiva na formación e no aproveitamento, por parte do beneficiario, das experiencias e prácticas realizadas no lectorado. En caso contrario, non procederá a dita renovación.

3. Os nomeamentos faranse efectivos, para todas as prazas convocadas, con data do 1-10-2008.

Artigo 4º.-*Actividade.*

1. O/A lector/a, baixo a dirección do responsable da cátedra ou do centro de estudos galegos, en coordinación con este e como complemento práctico á súa actividade formativa, desenvolverá actividades de docencia respecto daquelas materias relacionadas coa potenciación da lingua galega que se concreten no convenio de colaboración que se asine coa correspondente universidade, e de programación e organización de tarefas de investigación, difusión e promoción da lingua, da literatura e da cultura galegas, non só no ámbito universitario senón tamén na súa área de influencia.

2. O/A lector/a de lingua, literatura e cultura galegas non poderá desenvolver actividades que impidan, dificulten ou menoscaben o cumprimento das condicións establecidas para a percepción da bolsa concedida. En calquera caso, deberá comunicarlle á Secretaría Xeral de Política Lingüística o desenvolvemento de actividades alleas ao obxecto desta convocatoria para que esta determine se procede a compatibilidade.

Artigo 5º.-*Contía das bolsas.*

1. O/A lector/a percibirá o importe da bolsa directamente da Secretaría Xeral de Política Lingüística ou a través da universidade para a que sexa seleccionada. A opción elixida dependerá da normativa aplicable en cada unha das universidades de destino e recollerase no convenio de colaboración que se asine entre as dúas institucións, xunto coa contía que percibirá e a partida orzamentaria correspondente.

2. Para o ano 2008 o importe íntegro mensual das bolsas obxecto desta convocatoria é o seguinte:

-1.123,96 €, para aqueles lectorados localizados en universidades españolas.

-1.277,12 €, para aqueles lectorados localizados en universidades estranxeiras.

3. Nestes importes considéranse incluídos todos os conceptos, é dicir, o/a lector/a fará fronte aos gastos de tipo persoal que se poidan derivar da súa estadia (tales como viaxes, desprazamentos urbanos, residencia, requisitos burocráticos, etc.) con cargo á bolsa adxudicada.

4. O/A lector/a queda obrigado a reintegrar, total ou parcialmente, o importe dos conceptos indebidamente percibidos.

5. O/A lector/a queda obrigado, así mesmo, a facilitar toda a información que lle sexa requirida pola Secretaría Xeral de Política Lingüística ou por calquera outro órgano fiscalizador das administracións públicas no exercicio das súas funcións de control.

Artigo 6º.-*Solicitudes e documentación.*

1. As solicitudes axustaranse ao modelo oficial recollido como anexo I desta resolución e acompañaranse, cando menos, da documentación que deseguido se especifica:

-Fotocopia compulsada do DNI ou documento acreditativo da identidade.

-Fotocopia compulsada do título (ou títulos) de licenciatura ou da acreditación de telo/s solicitado/s.

-Certificado de estudos orixinal (ou fotocopia compulsada).

-Currículo e xustificantes de todos os méritos alegados.

-Escrito, asinado pola persoa solicitante, que conteña a explicación dos motivos da solicitude.

-Proxecto didáctico e de traballo para cada universidade solicitada.

-Calquera outro documento que se estime oportuno.

-Declaración xurada de non estar en situación de servizo activo como funcionario, ou ben, en caso de estalo, indicación do corpo de pertenza e compromiso de solicitar o pase á correspondente situación administrativa.

2. A maiores desta documentación, os solicitantes presentarán unha declaración do conxunto de todas as solicitudes de axudas efectuadas ou concedidas, para o mesmo proxecto, ante as administracións públicas competentes ou outros entes públicos. De non ter solicitada ou concedida ningunha, tamén o farán constar.

3. Os interesados poderán solicitar, como máximo, catro lectorados, debendo relacionalos no anexo I por orde de preferencia.

4. As persoas interesadas poderán presentar a solicitude no rexistro xeral da Consellería de Presidencia, Administracións Públicas e Xustiza ou en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 7º.-*Prazo de presentación.*

1. O prazo de presentación das solicitudes será dun mes, contado a partir do día seguinte ao da publicación desta resolución no *Diario Oficial de Galicia*.

2. Se a solicitude non reúne os requisitos exixidos, notificaráselle ao interesado para que, nun prazo de dez días, emende os erros ou presente os documentos requiridos. Transcorrido o dito prazo sen que se produciase a emenda, considerarase que desiste da súa petición ou deixaranse sen puntuar os méritos que non se xustifican debidamente, segundo corresponda.

Artigo 8º.-*Comisión de valoración.*

1. As solicitudes e a documentación acreditativa serán examinadas e valoradas por unha comisión presidida pola subdirectora xeral de Política Lingüística e composta polos seguintes membros:

-A xefa do Servizo de Plans, Programas e Asesoramento Lingüístico, quen exercerá como presidenta da comisión en ausencia da súa titular.

-O xefe da Sección de Habilitación.

-Por parte da universidade na que se localice o lectorado que se pretende cubrir, o responsable do centro de estudos galegos ou persoa na que delegue.

-Un funcionario da Secretaría Xeral de Política Lingüística, que actuará de secretario, con voz pero sen voto.

Ante a ausencia dalgún dos membros da comisión pertencente á Secretaría Xeral de Política Lingüística, será substituído por algún dos seguintes suplentes:

-A xefa do Servizo do Centro Ramón Piñeiro para a Investigación en Humanidades.

-A xefa do Servizo de Xestión e Promoción Lingüística.

2. A Comisión de Valoración poderá acordar a incorporación ás súas reunións de persoal de carácter técnico que contribúa a unha correcta valoración dos méritos alegados polos aspirantes ou a aclarar as dúbidas que lles poidan xurdir aos membros da dita comisión. Este persoal actuará con voz pero sen voto nas reunións da citada comisión.

Artigo 9º.-*Valoración de méritos.*

1. A comisión valorará os méritos, debidamente acreditados por cada un dos interesados, de acordo co contido do anexo II desta resolución.

2. Para estes efectos, elaborará un informe que se xuntará á acta da reunión e no que se recollerá a relación de admitidos, con indicación das universidades solicitadas; a relación de excluídos, con indicación do motivo; e, para cada universidade, a relación, ordenada de maior a menor puntuación total acadada, de solicitantes admitidos, con indicación da puntuación outorgada a cada un dos méritos alegados por estes.

Artigo 10º.-*Resolución.*

1. A Comisión de Valoración elevaralle ao/á titular da Secretaría Xeral de Política Lingüística a acta da reunión recollida no artigo anterior, xunto cunha proposta de resolución na que se lles adxudicarán os lectorados a aqueles interesados que obtivesen a maior puntuación total e acompañando tamén a manifestación expresa do candidato proposto de aceptar o seu nomeamento.

2. As bolsas non se lles poderán adxudicar a aqueles solicitantes que non obtivesen unha puntuación mínima total de 5 puntos.

3. Se algún dos candidatos propostos non aceptase o seu nomeamento, proporase o seguinte con maior puntuación; ante o rexeitamento deste, ofreceráselle ao seguinte, e así sucesivamente ata a súa cobertura.

4. Con base na proposta formulada, o/a titular da Secretaría Xeral de Política Lingüística procederá a ditar resolución nomeando os lectores propostos. Esta resolución publicarase no *Diario Oficial de Galicia* e seralle notificada á correspondente universidade de destino.

5. O prazo máximo para resolver a convocatoria será de seis meses, contados a partir da data de publicación desta resolución no *Diario Oficial de Galicia*. De non se resolver neste prazo, as solicitudes entenderanse desestimadas.

6. A resolución desta convocatoria queda condicionada á existencia de convenio en vigor entre a Secretaría Xeral de Política Lingüística e cada unha das respectivas universidades na data na que se faga efectivo o nomeamento do/a lector/a. A carencia deste convenio supón deixar sen efectos o nomeamento dos lectores afectados.

7. No caso de funcionarios en servizo activo, o seu nomeamento como lectores estará condicionado a que obteñan o pase á situación administrativa correspondente, xa que o dito nomeamento é incompatible co desempeño dun posto de traballo na Administración pública.

8. Se algún lectorado é declarado deserto, abrirase un procedemento especial para a súa cobertura, e ofertáraselles, en primeiro lugar, a aqueles candidatos que, malia non o solicitaren nun principio, obtivesen unha puntuación igual ou superior a 5 nas universidades solicitadas e seleccionando, mediante entrevista, de entre estes candidatos o considerado máis idóneo para esta.

9. Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

Artigo 11º.-*Substitucións.*

1. Se, unha vez nomeado, o/a lector/a renunciase ao lectorado, este cubrirase provisionalmente co seguinte candidato con máis puntuación que concorre á convocatoria. Ante o rexeitamento deste, ofreceráselle ao seguinte, e así sucesivamente ata a súa cobertura, e sempre observando que o substituíto acadase, como mínimo, unha puntuación total de 5 puntos na dita convocatoria.

Se non fose posible cubrir o lectorado por este sistema, a Secretaría Xeral de Política Lingüística empregará as listas de substitucións de profesores de lingua e literatura galegas de que, para estes efectos, dispón a Consellería de Educación e Ordenación Universitaria.

2. O disposto no punto anterior tamén será de observancia para a cobertura do lectorado cando sexa necesaria a substitución temporal do seu bolsreiro titular. Esta substitución abranguerá o período que dure a causa que a orixina.

3. Os lectorados cubertos de forma interina, agás o caso previsto na situación recollida no punto anterior, serán de novo convocados para seren cubertos mediante concurso público de méritos na seguinte convocatoria.

Artigo 12º.-*Revogación e suspensión.*

1. A concesión e percepción da bolsa non implica ningún tipo de relación laboral, ou de natureza similar, entre a Xunta de Galicia e os lectores seleccionados.

2. A Secretaría Xeral de Política Lingüística, logo de instrución do correspondente expediente, poderá revogar o nomeamento do/a lector/a e, polo tanto, da bolsa concedida ou suspendelo temporalmente cando concorran, ademais das establecidas especificamente, algunha das seguintes circunstancias:

-Incumprimento total ou parcial do disposto no artigo 4º desta resolución.

-Notoria falta de actitude no desenvolvemento das actividades previstas no artigo 4º.

-Obtención concorrente de axudas outorgadas por outras administracións ou entes públicos ou privados.

-Posterior coñecemento de nomeamento indebido por non reunir as condicións requiridas para isto.

Artigo 13º.-*Normativa de aplicación.*

1. Esta resolución réxese polo preceptos declarados básicos pola disposición derradeira primeira da Lei 38/2003, do 17 de novembro (BOE número 276, do 18 de novembro), xeral de subvencións.

2. Así mesmo, réxese polo establecido na Lei 9/2007, do 13 de xuño (DOG número 121, do 25 de xuño), de subvencións de Galicia; no Decreto 287/2000, do 21 de novembro (DOG número 238, do 11 de decembro), polo que se desenvolve o réxime de axudas e subvencións públicas da Comunidade Autónoma de Galicia, en todo aquilo que non se opoña á Lei 9/2007 e ao Decreto lexislativo 1/1999, do 7 de outubro (DOG número 214, do 5 de novembro), polo que se aproba o texto refundido da Lei de réxime financeiro e orzamentario de Galicia, segundo a última redacción dada na Lei 14/2004, do 29 de decembro (DOG número 253, do 30 de decembro), de medidas tributarias e de réxime administrativo.

Artigo 14º.-*Recursos.*

Contra esta convocatoria, que lle pon fin á vía administrativa, os interesados poderán interpoñer recurso potestativo de reposición perante o/a titular da Secretaría Xeral de Política Lingüística, no prazo dun mes, a partir do día seguinte ao da súa publicación no *Diario Oficial de Galicia*, segundo o disposto nos artigos 116 e 117 da Lei 4/1999, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben, directamente, recurso contencioso-administrativo perante o Tribunal Superior de Xustiza de Galicia, no prazo de dous

meses, contados a partir do día seguinte ao da súa publicación, segundo dispoñen os artigos 10 e 46 de Lei 29/1998, do 13 de xullo, reguladora da xurisdición contencioso-administrativa.

Disposicións derradeiras

Primeira.-A secretaria xeral de Política Lingüística, no ámbito das súas competencias, poderá ditar

cantas disposicións sexan precisas para o desenvolvemento desta resolución.

Segunda.-Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 20 de maio de 2008.

María Sol López Martínez
Secretaria xeral de Política Lingüística



XUNTA DE GALICIA
CONSELLERÍA DE PRESIDENCIA,
ADMINISTRACIÓNS PÚBLICAS E
XUSTIZA

ANEXO I

PROCEDEMENTO CONVOCATORIA DE LECTORADOS DE LINGUA, LITERATURA E CULTURA GALEGAS PARA UNIVERSIDADES ESPAÑOLAS E ESTRANXEIRAS	CÓDIGO DO PROCEDEMENTO PR110A	DOCUMENTO SOLICITUDE
---	---	--------------------------------

DATOS DO/A SOLICITANTE

APELIDOS		NOME		DNI	
ENDEREZO (RÚA, NÚMERO E ANDAR)		PROVINCIA		CÓDIGO POSTAL	
CONCELLO	LOCALIDADE	TELÉFONO	ENDEREZO ELECTRÓNICO		

SOLICITA:

Ser admitido/a na convocatoria para a cobertura de lectorados de lingua, literatura e cultura galegas en universidades de España e do estranxeiro.

Universidade/es que solicita (por orde de preferencia, se pide varias):

1º		3º	
2º		4º	

DOCUMENTACIÓN ACHEGADA

- FOTOCOPIA COMPULSADA DO DNI OU DOCUMENTO ACREDITATIVO DA IDENTIDADE.
- FOTOCOPIA COMPULSADA DO TÍTULO (OU TÍTULOS) DE LICENCIATURA, OU DA ACREDITACIÓN DE TELO/S SOLICITADO/S.
- CERTIFICADO DE ESTUDOS ORIXINAL (OU FOTOCOPIA COMPULSADA).
- CURRÍCULO E XUSTIFICANTES DE TODOS OS MÉRITOS ALEGADOS.
- ESCRITO, ASINADO POLA PERSOA SOLICITANTE, QUE CONTEÑA A EXPLICACIÓN DOS MOTIVOS DA SOLICITUDE .
- PROXECTO DIDÁCTICO E DE TRABALLO PARA CADA UNIVERSIDADE SOLICITADA.
- OUTRA (RELACIONAL):
- DECLARACIÓN XURADA DE NON ESTAR EN SITUACIÓN DE SERVIZO ACTIVO COMO FUNCIONARIO, OU BEN, NO CASO DE ESTALO, INDICACIÓN DO CORPO DE PERTENZA E COMPROMISO DE SOLICITAR A EXCEDENCIA CORRESPONDENTE.
- DECLARACIÓN DO CONXUNTO DE TODAS AS SOLICITUDES DE AXUDAS EFECTUADAS OU CONCEDIDAS, PARA O MESMO PROXECTO, ANTE AS ADMINISTRACIÓNS PÚBLICAS COMPETENTES OU OUTROS ENTES PÚBLICOS. DE NON TER SOLICITADA OU CONCEDIDA NINGUNHA, TAMÉN O FARÁN CONSTAR.

Quen abaixo asina **DECLARA QUE** presta expresamente o seu consentimento para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta resolución no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

LEXISLACIÓN APLICABLE <i>Resolución do 20 de maio de 2008 pola que se aproba a convocatoria de lectorados de lingua, literatura e cultura galegas en universidades de España e do estranxeiro.</i>
SINATURA DO/A SOLICITANTE OU PERSOA QUE O/A REPRESENTA <i>Lugar e data</i>

(Para cubrir pola Administración)	NÚMERO DE EXPEDIENTE
RECIBIDO	_____
	DATA DE ENTRADA
	____/____/____
	DATA DE EFECTOS
	____/____/____
REVISADO E CONFORME	DATA DE SAIDA
	____/____/____

ANEXO II**Méritos****1. Formación.**

1.1. Polo título de doutor: ata 3 puntos.

1.2. Por cada licenciatura distinta da exixida (máximo 2 puntos): 0,5 puntos.

1.3. Expediente académico: ata 3 puntos.

1.4. Asistencia a cursos de formación didáctica no ensino de linguas: ata 2 puntos.

1.5. Asistencia a actividades de formación relacionadas coa lingua, a literatura e a cultura galegas: ata 2 puntos.

2. Actividade docente e/ou divulgativa e publicacións.

2.1. Impartición de cursos, conferencias, relatorios etc. relacionados coa lingua, a literatura e a cultura galegas: ata 2 puntos.

2.2. Organización de actividades de difusión e promoción da lingua, a literatura e a cultura galegas: ata 1 punto.

2.3. Publicacións relacionadas coa lingua, a literatura e a cultura galega: ata 2 puntos.

2.4. Experiencia docente no ensino regrado de lingua, literatura e cultura galegas: ata 2 puntos.

3. Experiencia e coñecementos.

3.1. Experiencia na organización de actividades de difusión e promoción da lingua, da literatura e da cultura galegas en universidades de fóra de Galicia: 1 punto.

3.2. Coñecemento da comunidade autónoma ou do país no que se encontre a universidade solicitada e da súa situación sociocultural: ata 1 punto.

3.3. Coñecementos do idioma ou idiomas propios do país de destino (distintos ao castelán): ata 2 puntos.

4. Interese do proxecto docente, investigador e difusor da lingua, a literatura e a cultura galegas para desenvolver na universidade solicitada: ata 2 puntos.

5. Adecuación ao posto de traballo de acordo co currículo presentado: ata 2 puntos.

6. Entrevista persoal: ata 4 puntos.

CONSELLERÍA DE ECONOMÍA E FACENDA

Corrección de erros.-Orde do 5 de maio de 2008 pola que se ditan instrucións para a elaboración dos orzamentos xerais da Comunidade Autónoma de Galicia para o ano 2009.

Advertidos erros na devandita orde, publicada no *Diario Oficial de Galicia* nº 86, do 6 de maio, cómpre facer as seguintes correccións:

Na páxina 7.994, no capítulo VII, artigo 70, concepto 700, onde di: «01 Fondo de Compensación», debe dicir: «700.1 Fondo de Compensación» e onde

di: «02 Fondo complementario», debe dicir: «700.2 Fondo complementario».

Na páxina 7.999, no programa 422C, onde di: «Ensinio universitario», debe dicir: «Ensinio universitario».

Na páxina 8.003, ao final da sección 11, engadírase o «Ente público.-Instituto Galego de Calidade Alimentaria» e a «*Sociedade Mercantil.-S.A. Xestora do Banco de Terras de Galicia*». Na sección 13 eliminárase a «Fundación Pública. *Foro Permanente Galego Iberoamericano da Saúde*».

Na páxina 8.004, na sección 14, onde di: «Ente público. Instituto Tecnolóxico do Mar.», debe dicir: «Ente público. Instituto Tecnolóxico para o Control do Medio Mariño de Galicia».

Na páxina 8.007, no anexo VI, onde di: «-Proposta de gasto.», debe dicir: «-Propostas de gasto.».

Na páxina 8.009, no cadro «4. Medios persoais» «-Consellería» e tamén no cadro «-Organismo autónomo», onde di: «Subgrupo A_1 », debe dicir: «Subgrupo A_1 », onde di: «Subgrupo A_2 », debe dicir: «Subgrupo A_2 », onde di: «Subgrupo C », debe dicir: «Subgrupo C_1 » e onde di: «Subgrupo C_2 », debe dicir: «Subgrupo C_2 ».

CONSELLERÍA DO MEDIO RURAL

Corrección de erros.-Orde do 7 de marzo de 2008 pola que se establecen as bases reguladoras das axudas para a conservación e o fomento dos recursos zooloxéticos autóctonos de Galicia, e se convocan para o ano 2008.

Advertido erro na devandita orde publicada no *Diario Oficial de Galicia*, nº 52, do 13 de marzo, cómpre facer a seguinte corrección:

Na páxina 4.425, no anexo III, táboa de conversión en UGM (unidades de gando maior), da Orde do 7 de marzo, onde di «Vacúns machos e femias ata 6 meses: 1 UGM», debe dicir «Vacúns machos e femias ata 6 meses: 0,2 UGM».

ESCOLA GALEGA DE ADMINISTRACIÓN PÚBLICA

Resolución do 15 de maio de 2008 pola que se fai pública a concesión de dúas bolsas de formación en linguaxe administrativa galega.

A resolución da Escola Galega de Administración Pública do 28 de novembro de 2007 (DOG nº 237, do 10 de decembro) aproba as bases reguladoras e